

خزینہٴ اوراق

نمبر
۳۶

جمعہ ایرتسی
تاریخ تألیس
۱ مایس سنہ ۱۲۹۷

عمومی اعتباریله فنونه دائر رسالهٴ ادیبه در

آیده درت کره اوله رق جمعہ ایرتسی کونلری چبقار

رشید پاشا مرحومک انجمن دانشک
ابتدای کشادنده بالبداهه ایراد
ایتدیکی نطق رسمیدر

پادشاهمیزك ابتدای تخت سلطنت سنه لرینه رونق ویردکلری
یوم مسعودکله حمد دولت وملکده ترقیسی کورملکده اولان
قوت و معوریتک و تبعه نك نائل اولدیغی سعادت و امنیتک مبدأ
مبارکیدر . ایشته اول- کونده پادشاهمیز باب عدالتی یغنا
آچشلر و محمد اخلاق سنه لرینک برهان باهرینی کوسترمشلر
ایدی صکره انسانه انسانلنی بیلدیره جک وهر کسی دنیا و آخرته
سعادت و سلامته ایردیره جک علوم و معارفک انتشارینه دخی
بر طریق سهولت آچدق جناب حقه شکرل اولسون آز وقت
ایچنده ثمرهٴ تافعه سننی و عرفان حقیقی شاهانلرینک دلیل قویسی
کوستردیلر ایشته یونک مقمه سندن اولق اوزره بو انجمن
دانشک تشکیلنی دخی مراد پیوروب والسده محترمدلرینک اثر

عالیه اقتفاءً احیا پیوردقلری بویله بر اثر جلیله بو جمعیت
 خبریدنک بد آکونی تشریف شاهانه لرینی دخی دریغ پیورسیدرق
 جله قوللرینی احیا پیوردیلر بزلرتصل بختیار آدملز که بویله
 خیرلو بر عصره یتشدرک انواع نعم صوریه ومعنویه ایله مشعم
 اولمقده یز ویزم اولادلرمز بزدن زیاده بختیاردر که هر بر نعمته
 بزلله مشترک اولدقدن بشقه کالات انسانیه یه لازم اولان علوم
 ومعارفک اسباب سهولتنی دخی عنایت ولی نعمتله حاضر واماده
 بولمقده درلر * ولی نعمت افندمن انجمن دانشک کشادینی امر
 وفرمان پیوردیلر .

غزل

صانمه کیم بر لحظه دلدن عکس جانانم چیقیر
 عشق قلبد قالدور تندن ندم جانم چیقیر
 زلفی یاری دست حسرتله ارایوب طره سن
 شانه اندیشه ده عقل پریشانم چیقیر
 ارزوی میوه وصلیه پرداغ اولدی دل
 چشم امیدده ینه سر و خرامانم چیقیر
 جانه شهباز نکاهی بال و بر آجسه اگر
 پیچیه غیرتدن اول دم صبر وسامانم چیقیر
 عکس دیدارک فطوغرافی دیدم جذب ایدوب
 لوح جام سینده تصویر سلطانم چیقیر